

2001-03-30
aurkibidea**EUSKAL HERRIA** 19
Euskaltzaindiaren neurria

Euskaltzaindiak agiri bat landu du Nafarroako Gobernuak euskararen aurka hartu dituen neurriak salatzeko, eta mundu osoko akademiei igorriko die hori.

EKONOMIA 24
LAB, barne egokitzen

LAB sindikatuak estatutuak egokitu ditu apirilaren 6an egingo duen biltzarrean, eta «ezker abertzalearen barruko erakunde gisa» aurkeztuko du bere burua.

NAZIOARTEKOA 27
Al Fata, Israelen ekiteko prest

Jasser Arafat lehendakari palestinarak gidatutako Al Fata mugimendua prest azaldu da Israel barruan atentatuak egiteko. Lehen aldia da horrelakorik iragartzen duena.

NAZIOARTEKOA 28
Hondakin nuklearrak helmugan

Alemaniko Gorleben hirira heldu dira hondakin nuklearrak, 9.000 inguru poliziak babestuta. Trenez egin dute bide gehiena hondakinek, eta kamioiez azken zatia.

GAIAK 42
Ume klonatuen aurka

Umeak klonatzea «arriskutsua eta arduragabea» dela esan dute ugaztunen klonazioan aitzindari diren teknikariek.

KULTURA 46-47
Museoen geroa

Giorgio Armaniren jantziak Guggenheim museoan ikusgai jarri izanak eztabaida sortu du museoen geroaz. Askoren buruan dabilen galdera da zein den museoen helburua.

euskaldunon 3.202. zenbakia
Egunkaria

Ohorezko Lehendakaria: Martin Ugalde

Administratzaio Kontseiluko Lehendakaria: Joan Mari Torrealdai

Kontseilari Ordezkarria: Iñaki Uribe

Zuzendaria: Martxelo Otamendi

Gerentea: Mikel Sorozabal

Publizitatea: Idoia Sanz

Egoitza Nagusia: Gudariaren etorbidea, z/g 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707

Webgunea: www.egunkaria.com

Posta elektronikoa: egunkaria@egunkaria.com

Publizitatea: publi@egunkaria.com


Batzorde Parekidea: 72664 E. Lege Gordailua: SS 800/90 ISSN 1134-640X
OJDK IKUSKATURIKO HEDAPENA

ORDEZKARITZAK ■ **Araba:** San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965

Nafarroa: Irabie Monasterioa, 45-13 esk. (Irrintzi dorrea) 31011 Iruñea
Tel.: 948178078-79 Faxa: 948178077 Tel.: Publizitatea: 948176686

Bizkaia: Egia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114

Lapurdi, Nafarroa Beherea, Zuberoa: Pannecau 14, 1 503 Posta
kubxatila, 64100 Baiona Tel.: 559593575 Faxa: 559257511

martintxo**hizpideak****Korrikaren mezuak**

Gasteiztik Baionara joateko bi mila kilometrotik gora egingo ditu, atzodanik, euskararen lekukoak. Espririk egin gabe baina korrika beti, etenik txikiena ere egin gabe, aurrera egingo du gau eta egun, hamar egun barru Lapurdiko hiriburura heldu arte. Orduan jakingo da lekukoak zein mezu eraman duen hain ongi gorderik ibilbide osoan. Me-

zuaren Baionako irakurketaren aurretik, ordeza, hamaika mezu utziak izango ditu Korrikak, ordurako zeharkatuak izango dituen Euskal Herriko bazter guztietan.

Esaterako, euskararen aldeko borondate aktiboa zein hedatua dagoen erakutsiko du Korrikak, beste behin. 600.000 lagunek hartu zuten parte 11. edizioan, eta beste hainbeste espero dira hasi berria den honetan. Bi mila kilometrotik gora egingo ditu lekukoak, eta bi mila lagun —beste hainbeste elkarte eta erakunderen ordezkari —bai-

no gehiagoren eskuetatik pasako da lekukoa.

Euskal Herria euskalduntzen lanik eraginkorrena egin duen —eta egiten ari den— erakundeak, AEK-k, zer neurritako babesa duen ere erakutsiko du. AEKri egin zaizkion eraso judizial eta mediatikoak zenbat herritarren aurka eraso diren erakutsiko du.

Euskarari eta euskararen aldeko lanari hainbeste traba jarri nahi zaizkion garaian, mezuok inoiz baino ozenago entzunaraztea merezi du. Entzun nahi ez duenak ere entzun dezan.



Karmona Ibarretxeri lekukoa pasatzen.

Gazte palestinar bat tiragomarekin aurre egiten Israelgo soldaduei.

**Euskal Herriko 'ardi beltzak'**

Baltasar Garzon epaile espainiarrak beste urrats bat egin du Euskal Herriaren kontrako borrokan, Pepe Rei kazetaria «etakide gisa» auzipetzeko agindu duelako, eta, bide batez, *Ardi Beltza* hilabetekaria ixtea erabaki duela jakinarazi duelako. Beste pauso bat beraz, aurretik beste hainbat emandakoa baita: Haika, Ekin, *Egin...* Azken batean, baina, erabaki horiek ez dira Baltasar Garzonenaik soilik, kontua askoz zabalagoa delako Haren atzetik Espainiako Estatua bera dago, eta honentzat *ardi beltz* asko dago Euskal Herrian; nahikoa da, nonbait, euskal independentziaren aldeko mugimendu jakin —baina zabal eta anitz— bateko kidea izatea kartzeleratua izateko arriskua edukitzeko. Garzon epailea, Espainiako Estatua-ren morroi fin bihurtuta, ustezko delitu baten barruan sartzen ari da kontu ugari, zigor tipoak aldatu eta «delitua» zabaltzen ari da. Noraino?

Al Fata mugimendua, Israel barruan erasotzeko prest

PAN Palestinako Aginte Nazionalako presidente Jasser Arafatek zuzentzen duen Al Fata mugimendua Israel barruan erasoak egiteko prest dagoela adierazi du, herenegun hegazkin israeldarrek Gaza eta Zisjordaniaren kontra egindako bonbardaketen ondoren. Al Fatak suetena aldarrikatu zuen 1993. urtean Israel eta Palestinako ordezkariak Osloko akordioak sinatu zituztenean. Gerotik erasoak egiteko asmoa azaldu duten lehen aldia izan zen atzokoa. Indarkeriak, bestalde, bere horretan segitu du Ekialde Hurbilean: soldadu israeldarrek hiru palestinar hil zituzten atzo, asteazkenean izaniko bonbardaketen ondoko protestaldietan. Israelgo lehen ministro Ariel Sharonen gobernuaren iturriek datozen egunotan eraso gehiago izango direla esan dute.